

白真人文集後叙

嘗觀古今異人得仙術者類能修真煉氣頤息養神乘雲霧而羽化驅雷雨而攝精然未有嫻於文辭肆筆成章開口而吐煙雲出吻而唾珠璣者蓋功成九轉固難而該通六籍尤不易也噫若瓊瑋白真人者可不謂兼之乎真人生於宋之末季距今四百餘載其時遍遊名山屢遇神人授以還丹秘訣真人蓋已盡得其術成九轉之功矣而游寓之餘尤多著作若詩詞歌賦章奏序論無慮數千萬言可謂僊而能文矣顧世遠道湮莫有得其集而傳之者不佞生同嶺海竊聞先輩之風嘗購求之而不可得萬歷癸巳春不佞轉官入閩承乏福倅嘗侍

道藏輯要

白真人集

卷六

婁集六

堂翁何泰甯先生譚因及白真人事先生語不佞曰余夙愛白真人集藏之篋笥有年矣惜魯亥多訛篇類舛錯未有能校而梓之者茲得寅丈爲真人同鄉意者其在斯乎不佢謹奉教唯唯已而先生自省中貽書古田以真人集見寄不佢受而閱之見其舊本殘缺皆出先生補正其中丹圖立論集所未備者亦多經先生手錄若得其口傳而心授之者迺知先生於百家之書無所不讀修煉秘訣靡不究心匪直精吏治樹異績爲二千石最已也不佢旣奉教校輯爲之再定編目總十三卷凡三閱月始竣遂付之梓業已請先生爲序以弁之首矣獨惟不佢謬叨校梓之役可無一言以跋之後因爲之論次其事如此蓋有

慙于續騷云肯

萬厯甲午歲端陽日嶺海後學潮陽林有聲拜手謹撰

道藏輯要

白真人集

五

婁集六

正一天師清微第一共百卷製作

道教學術資訊網站